

榆次縣志

卷八

人物傳上

卷九

人物傳下

榆次縣志卷之八

人物傳上

才品

三國魏

孫資字彥龍太原中都人博覽傳紀講業太學同郡王允見而奇之歷縣令魏武爲司空辟之會兄爲鄉人所害資手刃報讎乃將家屬避地河東尋復爲本郡所命以疾辭友人河東賈逵勸應命乃往應之署功曹舉計吏尚書令荀彧嘆曰北州承喪亂已久謂其賢智零落今日乃復見孫計君乎表留爲尚書郎辭還尋參丞相軍事魏初轉右丞特命爲中書令加給

榆次縣志

卷八

人物傳上才品

一

事中賜爵關中侯與劉放並掌機密晉關內侯明帝初尤見寵任加散騎常侍晉樂陽亭侯漢諸葛亮出南鄭時議大發兵資曰昔武帝征南鄭取張魯陽平之役危而後濟又自往拔出夏侯淵軍數言南鄭直爲天獄中斜谷道爲五百里石穴耳爲其深險喜出淵軍之辭也又武帝聖於用兵察蜀賊棲於山巖視吳虜竄於江湖皆撓而避之不責將士之力不爭一朝之忿誠所謂見勝而戰知難而退也今若進軍就南鄭討亮道旣險阻計用精兵又轉運鎮守南方四州遏禦水賊凡用十五六萬人必當復更有所發興

天下騷動費力廣大此誠宜深慮夫守戰之方力役參倍但以今日見兵分命大將據諸要險威足以震懾強寇鎮靜疆場將士虎睡百姓無事數年之間中國日盛吳蜀二虜必自罷弊乃止時聞吳孫綺舉兵議因此伐之資曰鄱陽宗人前後數有舉義者眾弱謀淺旋輒乖散昔文皇嘗密論賊形勢言洞浦殺萬人得舡千萬數日間舡人復會江陵被圍厯月權裁以千數百兵住東門而其土地無解散者是有法禁上下相奉持之明驗也以此推綺懼未能爲權腹心大疾也綺果敗太和末吳遣周賀浮海招誘公孫淵

上欲邀討之朝議多以爲不可惟資決行策果大敗之晉左鄉侯烏丸校尉田豫至馬邑故城軻比能帥三萬騎圍之上問資對曰上谷太守閻志柔弟也爲比能素所歸信令馳詔使說比能可不勞師而自解矣從之比能果釋豫而還加侍中光祿大夫時內圖禦寇外規廟勝資皆管之然自以受腹心常讓事於上朝臣會議擇其善者推成之眾人有譴過輒爲請解征東將軍滿寵涼州刺史徐邈並被譖資皆盛陳素行卒使得保其功名者資力也初資鄉人司空掾田豫梁相宗豔皆妒害資而揚豐黨豫構造謗端資

終無恨意豫等遂結爲婚姻資曰吾無憾心不知所
釋此爲卿自薄之卿自厚之耳乃爲長子宏取其女
及田豫老疾又致其子於本郡以爲孝廉揚豐子後
爲尚方吏將致法資請活之其不念舊惡如此景初
二年封中都侯薦武衛將軍曹爽代燕王宇輔政請
速召太尉司馬宣王齊王初增邑三百並前千戶封
愛子一人亭侯次子騎都尉餘子皆郎中正始元年
加右光祿大夫金章紫綬儀同三司六年轉衛將軍
領令如故七年復封子一人亭侯年老遜位以列侯
朝朔望位特進曹爽遇害復爲侍中領中書令嘉平
以資著勲前朝改封宏離石子

按三國史孫資本合劉放傳其稱太原孫資者史

止著其郡略縣不書往往多此例褚志人物首孫
楚而不及資亦未考資即楚祖錄楚而遺資何也

郝昭字伯道太原人爲人雄壯少爲部曲督數有戰功
爲雜號將軍鎮河西十餘年民夷畏服蜀諸葛亮圍
陳倉使昭鄉人靳詳遙說之昭於樓上應曰魏家科

法卿所練也我之爲人卿所知也我受國恩多而門戶重卿無可言者但有必死耳卿還謝諸葛便可攻也詳以昭語告亮亮又使詳重說昭昭曰前言已定我識卿耳箭不識也詳乃去亮起雲梯衝車以臨城昭以火箭逆射雲梯梯然梯上人皆燒死又以繩連石磨壓衝車衝連折亮乃更爲井闌百尺以射城中以土瓦填塹欲直攀城昭又於內築重牆亮又爲地突欲踊出於城裏昭又於城內穿地橫截之晝夜相攻拒二十餘日亮無計救至引退上嘉昭善守賜爵列侯及還引見慰勞之顧謂中書令孫資曰卿鄉里榆次縣志

卷八 人物傳上 才品

四

乃有爾曹快人爲將均如此朕復何憂欲大用之會卒遺命薄葬

晉

孫楚字子荆太原中都人也祖資魏驃騎將軍父宏南陽太守楚才藻卓絕爽邁不羣多所陵傲缺鄉曲之譽年四十餘始參鎮東軍事文帝遣符邵孫郁使吳將軍石苞令楚作書遺孫皓邵等至吳不敢爲通楚後遷佐著作郎復參石苞驃騎軍事楚旣負其材氣頗侮易於苞初至長揖曰天子命我參卿軍事因此而嫌隙遂構苞奏楚與吳人孫世山共訕毀時政楚

亦抗表自理紛紜經年事未判又與鄉人郭奔忿爭武帝雖不顯明其罪然以少賤受責遂湮廢積年初參軍不敬府主楚既輕苞遂制施敬自楚始也征西將軍扶風王駿與楚舊好起爲參軍轉梁令遷衛將軍司馬時龍見武庫井中羣臣將上賀楚上言勸帝舉遺佚惠帝初爲馮翊太守太康三年卒初楚與同郡王濟友善濟爲本州大中正訪問銓邑人品狀至楚濟曰此人非卿所能目吾自爲之乃狀楚曰天才英博亮拔不羣楚少時欲隱居謂濟曰嘗欲枕石漱流誤云漱石枕流濟曰流非可枕石非可漱楚曰所以枕流欲洗其耳所以漱石欲厲其齒楚少所推服惟雅敬濟初楚除婦服作詩以示濟濟曰未知文生於情情生於文覽之悽然增伉儷之重三子歟洵纂惟洵子盛纂子統綽並知名

按榆次亦爲古中都地府志楚傳直云榆次人今仍作中都者與下張偉傳並尊史文之舊不輒改也省志以楚人文苑傳而云平遙人或恐失之

孫統字承公楚孫幼與弟綽及從弟盛過江誕任不羈而善屬文人以爲有楚風征北將軍褚裒聞其名命爲參軍辭不就僑居會稽性好山水乃求爲鄞邑後

爲餘姚令卒子騰嗣以博學著稱位至廷尉弟登少善明理注老子行於世仕至尚書郎

褚志楚後有孫統孫綽等傳省府二志亦然錢志以爲永嘉渡江久居南服安得濫引故不錄統綽等惟盛十歲始避難過江因錄之然考晉書孫統傳幼與綽及從弟盛過江則統綽皆長於盛豈不嘗與盛同居故里乎今列統於楚傳後而別以綽冠文學之首似爲允當

孫盛字安國父洵潁川太守在郡被害盛年十歲避難渡江及長博學善言名理盛常詣殷浩談論對食奮

擲塵尾毛悉落飯中食冷而復暖者數四盛著醫卜及易象妙於見形論浩等竟無以難之由是遂知名起家佐著作郎以家貧親老求爲小邑出補潯陽令太守陶侃請爲參軍庾亮代侃引爲征西主簿參軍時丞相王導執政亮以元舅居外南蠻校尉陶稱譏構其間導亮頗懷疑貳盛竊諫亮曰王公神情朗達常有世外之懷豈肯爲凡人事邪此必邪佞之徒欲間內外耳亮納之會桓溫伐蜀盛爲參軍軍至彭模溫自以輕兵入蜀盛領羸老輜重在後賊數千忽至眾皆惶遽盛部分諸將並力拒之應時敗走蜀平賜

爵安懷縣侯以平洛功進封吳昌縣侯出補長沙太守嘗因從事至郡與桓溫牋而辭旨放蕩稱州遣從事觀採風聲進無威鳳來儀之美退無鷹鷂搏擊之用徘徊湘川將爲怪鳥溫得牋重其才名竟捨而不罪累遷秘書監加給事中年七十二卒盛篤學不倦自少至老手不釋卷著魏氏春秋晉陽秋數十卷晉陽秋詞直而理正桓溫見之怒謂盛子曰枋頭誠爲失利何至乃如尊君所言若此史遂行自是關君門戶事其子拜謝請改時盛年老家居性方嚴有軌憲雖子孫班白而庭誨愈峻至是諸子號泣請爲百口

榆次縣志

卷八

人物傳上 才品

七

計盛怒不許諸子遂私改之然盛已寫寄慕容儁矣子潛放潛字齊田任豫章太守放字齊莊庾亮嘗稱之曰王輔嗣弗過也終長沙相盛曾孫康少貧嘗映雪讀書官至御史大夫康子伯翳位終驃騎將軍

北魏

張偉字仲業小名翠螭太原中都人也高祖敏晉秘書監偉學通諸經講授鄉里受業者常數百人勤於教訓雖有頑固不曉偉告諭殷勤曾無愠色常依附經典教以孝悌門人感其仁化事之如父性恬平不以夷險易操清雅篤慎非法不言世祖時與高允等俱

被辟命拜中書博士轉侍郎大將軍安樂王範從事
中郎馮翊太守還仍爲中書侍郎本國大中正使酒
泉慰勞沮渠還遷散騎侍郎聘江南還拜給事中建
威將軍賜爵成臯子出爲平東將軍營州刺史進爵
建安公卒贈征南將軍并州刺史謚曰康在州郡以
仁德爲先不任刑罰清身率下宰守不敢爲非

郭祚字季祐太原晉陽人魏車騎將軍淮弟亮之後也
祖逸并州別駕前後以二女妻司徒崔浩太武時拜
徐州刺史假榆次侯贈光祿大夫父洪之緣坐浩事
祚少孤貧涉歷經史習崔浩書工尺牘文章弱冠爲

榆次縣志

卷八 人物傳上 才品

八

州主簿刺史委之書記孝文初舉秀才對策上第拜
中書博士轉中書侍郎李冲薦之遷尚書左丞兼給
事黃門侍郎清勤在公夙夜匪懈帝甚賞之從南征
還晉黃門以贊遷洛賜爵東光子遷散騎常侍仍領
黃門與黃門宋弁參謀帷幄隨其才用各有委寄嘗
文飲清徽後園孝文舉觴賜祚曰郭祚憂勤庶事獨
不欺我不勸此人當勸誰也從南討兼侍中拜尚書
進爵爲伯甯武初兼吏部尚書時詔姦吏逃刑兄弟
代之祚奏曰若以姦吏逃竄徙其兄弟罪人妻子復
應徙之此則一人之罪禍傾二室臣謂罪人旣逃止

徙妻子走者之身懸名永配於情不逸姦途自塞從之尋正吏部持身潔清重惜官位銓授必徘徊久之下筆即云此人便已貴矣量才稱職時以此歸之出爲使持節鎮北將軍瀛州刺史轉鎮東將軍青州刺史逢歲饑多所賑卹士女懷其德澤入爲侍中金紫光祿大夫并州大中正遷尚書右僕射與侍中黃門參議刊正新令故事令僕中丞騶唱入宮門至於馬道祚以爲非盡敬之宜言於帝納之騶唱不入宮自此始也詔領太子少師尋加散騎常侍詔營明堂國學祚奏曰今雲羅西舉開納岷蜀戎旗東指鎮靖淮

荆漢沔之間復須防捍徵兵發衆所在殷廣邊郊多壘烽驛未息不可於師旅之際興版築之工且獻歲云暨東作將始臣愚謂宜待豐靖之年因子來之力不時而就從之宣武每賞賚祚多至百餘萬又特賜劍杖恩寵甚深遷左僕射梁將康絢遏淮將灌揚徐祚表曰蕭衍狂狡擅斷川瀆役苦人勞危亡已兆宜敕揚州選一猛將遣當州之兵令赴浮山表裏夾攻從之除使持節散騎常侍都督雍州刺史征西將軍時領軍于忠恃寵驕恣祚心惡之遣子太尉從事中郎景尚說高陽王雍令出忠爲州忠聞而大怒矯詔

殺祚祚達於政事凡所經履咸爲稱職每有決斷多爲故事名器旣重時望亦深一朝非罪見害遠近莫不愧惜靈太后臨朝使弔慰追復伯爵正光中贈使持節車騎將軍儀同三司雍州刺史謚文貞

按北魏真君九年省榆次入晉陽縣至景明元年始復郭祚正當省縣時故史稱晉陽人

郝軒太原人世名知人嘗稱清河崔元伯王佐之才代所未有也符堅亡元伯避難齊魯軒嘆曰斯人而遇斯時不因扶搖之勢而與鸚雀飛沈豈不惜哉元伯後果仕魏爲天部大人配饗太祖廟庭軒位至散騎

榆次縣志

卷八 人物傳上 才品

十

常侍黃門侍郎

唐

辛異者本衛人代以豪俠著聞隋文帝時常避仇徙榆次有大姓鞠氏見而奇之知其當富貴遂妻以女異常致貲累萬值大業末人飢異出穀數千賑施邑中妻鞠氏亦廣大常謂異曰天下方亂丈夫不因時取功名甘坐鄉里乎異曰吾心也顧未見可適者乃去謁楊元感決其無成復歸太原旣而唐高祖義兵起遂挺身從焉高祖軍用不足異悉毀其產以資行師武德中累功爲千牛衛將軍時突厥爲邊患使異爲

夏州刺史禦之與虜數戰勝異在夏州政有惠愛遷
雲中都督年七十卒

採辛氏事跡

石義奮世幽州人父昭立爲儒生天寶末安祿山反昭
立惡居叛亂地挈家走京師爲賊將所追家人被殺
惟昭立與義奮得亡脫奔太原昭立往來教授數年
買田結茅於洞渦之側遂爲榆次人義奮善書疏能
挽強擊劍常遊河北朱滔客之時滔將悖逆以義奮
有才謀欲引居腹心義奮知滔不臣常正色謂滔曰
自古無亂臣賊子能全身家者公自視與安氏如何
安氏負恩背德甘蹈兇逆未幾誅夷天下醜恨公必

榆次縣志

卷八

人物傳上才品

十一

母循其轍終身爲唐臣不獨富貴延子孫且免後世
唾矣滔怒囚之未及殺守者哀其義陰使逃去變姓
名爲王武俊小吏久之武俊覺焉武俊故陽結滔持
兩端呼義奮試問今日事義奮爲陳古忠臣與奸逆
究竟勸速絕滔表其罪武俊雖不能用然意已爲所
感動及李抱真結武俊使奉天子武俊卒聽約義奮
後自岐山尉歷官比部郎中

採唐穆質小史

宋

夏守贇字子美守恩弟幼召入襄王宮稍長習通文字
眞宗初授右侍禁命往綏夏伺察李繼遷遷西頭供

俸官寄班祇候幸大名爲駕前走馬承受時康保裔
戰沒部曲畏誅言保裔降賊守贊受密詔變服往康
得其情還奏詔卹其家移承受真定路幸澶淵汾陰
皆爲駕前巡檢遷綾錦副使幸亳州修行宮轉崇儀
使提舉倉草場甚見親信遷西上閣門使提舉諸司
庫務以右千牛衛大將軍昭州刺史爲樞密都承旨
兼領三班院每遼使至與楊崇勳迭爲館伴凡十餘
年擢侍衛親軍殿前步軍都虞侯改馬軍并代州都
總管累遷步軍馬軍殿前副都指揮使建武鎮東保
大軍節度使除殿前都指揮使徙節定國又徙鎮海

罷管軍踰年徙定州路都總管寶元二年召知樞密
院事上問西事守贊言宜併小障兵以據衝要伺便
邀擊功或可成上然之辨劉平石元孫之枉自請將
兵擊賊換宣徽南院使陝西馬步軍都總管兼經歷
安撫緣邊招討使命以御劍隨之尋詔駐軍河中居
數月徙屯鄜州康定元年召同知樞密院事以子隨
卒請罷以宣徽南院使天平軍節度連判澶相二州
復爲真定府定州等路都總管徙高陽關判瀛州卒
贈太尉諡忠僖

高若訥字敏之并州榆次人僑衛州進士及第補彰德

軍節度推官改秘書省著作佐郎再遷太常博士御史知雜楊偕薦監察御史裏行遷尚書主客員外郎殿中侍御史裏行改左司諫同管勾國子監遷起居舍人知諫院范仲淹奪職歐陽修移書責之未幾加直史館以刑部員外郎兼侍御史大慶殿設祈福道場言大慶殿非禮不御非法服不坐國之路寢也豈一可聚老釋爲瀆慢又言二府對纔數刻何以盡萬幾宜賜坐從容如唐延英故事擢天章閣侍制知永興軍留判吏部流內銓出爲河東路都轉運使召還兼侍讀權判尚書刑部母服除加龍圖閣直學士史館

修撰以右諫議大夫權御史中丞時宰相賈昌朝與參知政事吳育數爭事明年旱言陰陽不和責在宰相洪範大臣不肅則雨不時若昌朝及育皆罷若訥代育爲樞密副使王則據貝州或議招降言河朔眾兵所積今釋不討且啓亂階後果城破皇祐五年罷觀文殿學士兼翰林院侍讀學士尚書左丞卒贈右僕射謚文莊若訥強學善記自秦漢以來諸傳記無不該通尤喜申韓管子書明歷學通醫書雖國醫皆屈服

按若訥奏貶歐陽修在宋時不爲正論所與然文

潞公作神道碑則又稱其人故載之

薛傲本太原榆次人從其父客汴父沒遂留汴宣和靖
康間金人敗盟南侵朝廷將割三鎮傲聞之感情上
狀政府力言不可夫國家有三鎮猶室有垣墉人有
股肱也安有自去其股肱垣墉而尚能存全者哉又
切詆執政誤國徐處仁李邦彥等大怒使開封尹逐
之傲因去之河東又往陝西金人犯陝傲以策干王
庶庶不用乃結陝子弟聚保延安山谷中金將婁室
屢攻之傲築土寨甚堅不能拔益團練鄉勇召號西
北尚義者至數萬人欲取金所奪州縣歸宋會張浚
榆次縣志

卷八

人物傳上才品

古

之敗陝西五路盡沒於金傲知事不可成帥三千騎
奔吳玠於蜀玠爲奏朝廷授一官傲屢爲玠言陝西
山川曲折及金人可破之略時方與金和傲悒悒不
得伸棄官入青城山終其身不出

採靖康忠義傳

金

趙益太原人讀書肄業元兵入鳩合土豪保聚山峽屢
戰有功晉陽公郭文振署壽陽令駐兵榆次重原寨
遂率眾收復太原夜登城斬馘甚眾獲老幼二萬餘
口馬仗不可計陞太原治中復擢同知府事兼招撫
使元光元年八月元兵攻城急益知不可支乃焚府

庫殺妻子沈符印於井遂自殺贈銀青榮祿大夫河
東北路宣撫使仍求其子孫

故國遺忠錄作太原府榆次縣人又云元兵入城
益帥壯士巷戰自焚死與史微不同

元

杜質字文美中杜里人資性嚴重博學雅量冠冕士流
雖一吟一詠之間莫不包括道義激勸風化一時人
士咸雅重之歷仕翰林院編修江北燕南兩道廉司
經歷江南諸道監察御史

明

榆次縣志

卷八

人物傳上才品

五

孫榮字士華孟家井里人少好學篤志儒者之業雖家
貧食或不足而榮宴然處之不以寒竇屑意中景泰
癸酉舉人授陝西華州訓導改官麟遊教諭既登仕
恒以祿不迨親爲恨終身弗飲酒食肉也其天性純
摯雖古江革朱百年之徒無多讓者方爲教諭時上
書陳時政不便者四幾及於禍而不悔云榮所著詩
文有竹溪集若干卷藏於家

孫昌字文昌南關二里人少爲文以博敏稱天順己卯
舉鄉試選知陝西涇州未幾有薦之者調知商州商
州經盜賊後倉廩皆空庠校衰息昌力振刷之去侵

漁節浮費由是府儲漸充官用咸裕乃新學宮及講舍之傾敝者日進諸生教之商州人士興起自昌始初州民張姓者常與鄰王乙有隙他日有四僧過商假宿張氏明日去王乙遂告郡守謂張殺二僧圖其資陰取他屍爲證郡守不察以爲然竟坐張當死獄具連坐者六人已誣服矣會昌至請於郡守更訊之呼張等六人至視曰此非殺人者且六人殺人而所謀止七金又無贓非疑獄耶有枉第自言吾爲汝辨囚久困鍛鍊不敢自明但引服如故昌引六人中少年者使盡言少年泣曰四僧行時其三人不知所之

其一爲黃師自言過商陝買藥去歸靈寶朱陽寺中今尚當在彼若遣人問之二僧存亡可得知也昌即捕黃師至具得僧狀非六人所殺卒抵告者罪而六人竟白一郡稱神明秩滿民詣闕請留詔加四品服復任三年後再知沂州治如在商時昌素耿勁不能奉上官上官欲齟齬之昌遂致仕歸杜門不出篤於孝友父沒事後母加謹與諸弟雍雍然其在商州也有二人自他所負販來者時流民之禁方嚴郡守獲二人以屬州將論戍昌曰彼負販以求衣食非流亡無賴者昔人有言殺人媚人吾不爲也爲力請於郡

竟得釋商州人爲立德政碑祀鄉賢

郝毅字致遠郝都里人初爲諸生以苦節自勵人未之知也天順己卯中鄉科選官得陝西鞏昌府通判鞏昌民負氣好訟方下車訴牒紛集毅坐堂上視之剖決如流郡吏皆畏服私相謂彼書生初入仕乃能如此毅以鞏昌邊郡士少文學躬自教課之久之諸生彬彬然毅爲人貌樸中無城府而性特剛正有持執毀譽無所動處事實平人以是稱爲長者毅罷官時年方壯盛絕無復仕意有南趙別墅屏居其中耕桑以供伏臘淡然自樂不入城市者五十年至九十餘

榆次縣志

卷八 人物傳上才品

七

狀貌猶未衰見者嘆其異沒後祀鄉賢

任義字時中在城一里人少有才名通經史年方冠與孫昌郝毅同薦於鄉未即舉進士即授同知河南南陽府事南陽大郡號難理義到官治之有條郡吏久蠹政前守不能革者連數人矣義盡剔其弊一朝悉除去之南陽人爭相歌舞同知專任清軍義因上便宜五事並中機要兵部善其法遂取爲例使天下清軍者倣行之是時汝鄧太饑義慮流民且至先度地爲屋發粟以待賑已而流亡者果大集恃以全活多至萬餘人南陽安靜勿擾皆義力也上官知義才且

賢咸爲加禮會有忌之者爲蜚語欲中傷之義太息曰吾以直道自任今阻於奸邪可以止矣乃告歸家居日與郡諸生講學門下受業者百人縣令高其風以時致敬凡政事有不達者則造而咨焉然義未嘗一往謁也及卒門下生因其自號稱之曰五雲先生祀鄉賢

郭曦字景暘南要里人自幼性謹厚不事俗飾而有雍容之度及長以舉人任河南新蔡知縣其政和易恥以矜察矯立聲譽新蔡之人甚樂之縣值歲荒曦計畫聚粟萬石賑卹饑者民賴以濟鄰縣有長湖屯其

榆次縣志

卷八

人物傳上才品

六

屯人素梗難治大吏以事屬曦持檄往按之長湖人習聞曦有柔善名謂爲懦不足憚梗悍如故曦按治之悉抵於法縣境肅然自是無敢爲惡者秩滿因新蔡請許復留一年遷開州同知去新蔡人爲立石縣中以頌其美時流賊攻掠郡縣且至開州曦召父老子弟鼓以忠義使共禦賊賊解去以功擢通判河南府後改通判山東濟南府致仕其卒也壽尤高云祀鄉賢

寇恭字敬之在城一里人少爲諸生與弟儉並有名邑中稱曰二寇恭天資甚敏於書一見輒能誦而孝友

仁厚有古君子長者風或竊其物者已捕得之公蹙然曰此特迫於饑寒耳竟釋使去常約鄉人以朔望行禮於社而相勸爲善其後鄉人效之遂以成俗生平不喜華飾雖晚以子天敘貴累封副都御史而沖約自如早工文聲振場屋然久之始以貢爲定州判官判官職卑冗恭爲之有惠於民及歸未嘗以家人生業爲務儉字約之年二十始折節讀書遂登進士授大理評事未五十而歿士論爭惜焉儉子天與恭加撫愛而教使成立亦舉進士由戶部郎出知東昌府時稱其有理劇才寇氏自儉天與及恭子天敘天

榆次縣志

卷八

人物傳上才品

九

敘子陽前後登進士爲邑中門第之尤盛者恭儉俱祀鄉賢

寇天敘字子惇方五歲時母病久髮不櫛家人欲剪焉天敘泣曰是不可毀傷也比母卒哀毀已能如成人十二通文詞舉正德戊辰進士授南京大理評事有豪家殺人論罪當死欲以僕代天敘執不可竟抵於法遷知浙江甯波府府有馮氏兄弟號二虎者橫暴爲民患苦天敘論正其罪歲饑民乏食天敘白部使者使賦糧米者得以銀代省而易輸人稱便焉再遷應天府丞時武廟駐驛南都提督江彬怙寵恣威公

卿多屈已下之天敘獨與抗禮或諷天敘賂彬天敘曰與賂彬以毀節甯怒彬而得禍彬聞之怒甚使人陰伺天敘竟無所得訖不能傷有勸當往謝彬天敘終不聽未幾世宗改元擢都御史巡撫宣府改撫鄖陽又改撫甘肅方到鎮回夷數千騎犯山丹天敘遣將擊斬其酋及部落三十六級甘肅故邊徼諸司多蕩壞法紀太監總兵者役軍薙草輸供私秣凡官給軍值則勒奪之天敘乃令軍交草於官官交值於軍毋令旁落由是爲奸利者不得逞初土魯番掠甘肅朝廷閉關絕其貢使至是復請通貢市而其詞頗嫚

天敘議曰土魯番勢不能不有求於我彼敢嫚其詞者將謂我不能戰耳若乘其怠擊之必勝勝而後許則威德兩全矣又知督府方傳檄責土魯番天敘移書止之中所言皆洞切事要頃之西域有貢獅子牛狗者天敘奏郤之進右副都御史巡撫陝西值北番寇固原天敘調兵禦之斬首三百有奇捷聞賜白金文綺詔書褒異擢刑部侍郎復擢兵部侍郎雲中之兵變也天敘方屬疾聞之力疏上言叛軍怙惡罪不可赦毋姑息以滋後患因條具方略朝廷嘉納焉無何病卒明史有傳天敘性廉儉然養親祀先必從其

至訓其子陽常令蔬食澣服砥礪士行同邑周鈇稱天敘忠信純篤而厚於彝倫剛正明敏而盡乎物理同時若馬理呂柟崔銑皆於天敘有神明金玉之喻其爲名流所推服如此所著有涂水集陽舉嘉靖己丑進士知廣平縣陞禮部郎擢浙江僉事歷官江西按察使浙江右布政以不附嚴嵩罷歸其操行潔廉世稱能繼天敘而守其家法云父子俱祀鄉賢

李應時訓導實子由舉人仕陝西秦安知縣復知河南盧氏縣所至有清白稱其在盧氏也臺使者表其治行爲中州第一陞同知轉趙王長史仕宦三十年歸榆次縣志

卷八

人物傳上才品

三

無餘物嚴靜自守足跡不至公府士論咸重之

周鈇字汝威張慶里人鈍軒其號也早通羣經爲縣諸生遇試當食廩以讓其友學使者許論奇之嘉靖丙戌成進士官行人奉使代藩二王所比歸王及諸司有所餽鈇謝卻之轉湖廣道監察御史以憂去服闋授河南道御史時有議征安南者鈇力言其不可事遂止已而巡按陝西陝西涇陽故有秦時鄭國渠自漢以後開廢不常而民失其利鈇至悉問父老得其要領遂復開之民田受溉者數萬頃自塞外用兵邊人被擄逃歸者邊將多殺以冒功鈇請下詔嚴禁之

報可改按山東風力尤著尚書鄭曉稱爲真御史山東適大旱地盡赤鈇爲文禱焉一夕而雨浹時以爲誠直所感還朝改右春坊清紀郎未任以疾告歸嘉靖辛丑俺答自大同入遂犯太原至榆次列帳城下鈇慷慨登陴以勵守者鈇前爲御史時常上章劾尚書林廷楫張瓚張雲而論嚴嵩貪鄙奸邪語尤切直聲動朝右及是疾愈赴官因俺答爲邊患復疏陳守禦大計當事惡之謫廬州府知事稍遷國子丞再陞吏部文選主事嚴嵩已深恨鈇然猶屬鈇私事鈇峻絕嵩嵩益怒諷長吏部者出鈇通判河間府旋復陞

南京吏部考功主事嵩怒不已託以遷轉太驟黜鈇爲民鈇歸而怡然常跨蹇驢往來墟里中家雖甚貧不顧也卒年五十有傳附明史稿王與齡傳所著有鈇軒文集梓行穆宗元年詔錄前時諸言事得罪者於是尚書楊博御史龐尚鵬等二十九人合疏言鈇孤忠苦節與楊爵等相同乃復鈇官加贈光祿少卿鈇歿而賢鈇者舉天順中河東薛瑄故事祀鈇於學

官鄉賢

閻樸字文甫使趙里人少讀書目數行下墳籍多所究覽嘉靖壬辰進士選爲庶吉士授翰林檢討官初選

庶吉士也世宗疑有倖進者命復試之至再而樸皆
第一大學士李公見其文歎曰天下士也爲檢討三
年詔於史館校錄五經東宮旣立晉右春坊右贊善
假歸值辛丑之變俺答薄城城中驚譁樸與鄉士大
夫登城督隸卒與有司共守虜有一人健甚徑趨城
下樸募善射者一矢殪之於是解圍去旣而還官主
京兆解試所取多有名晉南京國子祭酒到官僅兩
月有詔使罷去樸闢小園結屋數楹列琴書其中嘯
詠自娛樸繼母李性峭急能事以婉順有同年死京
邸者厚爲之殮而歸其櫬里人趙從善被誣坐囚十
及詩文集共若干篇

榆次縣志

卷八

人物傳上才品

三

褚鈇字民威東白一里人嘉靖乙丑進士爲河間令河
間多巨姓大猾鈇布治從容法行蠹去三年績甚著
遷監察御史初入臺值元旦日食鈇陳六事以諫旋
出按陝西茶馬時韓王與太僕爭牧馬場陰賄鈇爲
援鈇堅謝之力言祖宗制不可更王無以奪北虜方
受款而時時侵掠屬番鈇上疏言番部河西之屏障
也被侵急則折而入於虜虜內狃中國外兼番倍地

而無後患他日跳踉必大爲秦隴憂乞禁之便時以爲未然後二十年虜合寇甘州固原河湟大震卒如鉄料云鉄巡按河南風紀整肅周趙諸王戚屬多爲民害者鉄奏而懲之擢大理寺丞晉少卿再遷右僉都御史巡撫河南奏免逋稅九萬有奇萬厯壬辰宵夏亂廷臣交薦鉄文武才可任經畧會事平乃用鉄爲工部侍郎改刑部侍郎有以言事獲罪者神宗將置之極刑鉄執奏罪不當死其人終得免厯右都御史晉戶部尚書以治漕功加太子少保賜璽書金帛時內外多故鉄深以根本爲憂上疏陳時政急務

榆次縣志

卷八

人物傳上才品

三

語盡切不報鉄乃乞休鉄居里中雖賤且少者皆與言笑如平生權不自矜其貴儉約奉已而調施無倦所著有從政錄從政續錄梓行子應于初以舉人任河南原武令有卓政晉河間司李民稱不寃國初應薦邊才擢湖廣僉事尋以疾歸順治五年值姜瓖之亂佐邑宰守城有功父子俱祀鄉賢

李敏字鈍甫南關三里人嘉靖丁未進士選庶常授刑科給事時北虜犯京保定楊申丞提兵勤王捍禦甚力以忤中官被逮敏抗疏救之世宗怒廷杖敏且令吏部勿與遷官已而世宗亦悟乃遷禮科復爲刑科

左給事河東鹽法止課鹽池而太原所產舊未嘗禁
巡鹽御史請禁之敏上言曰太原一郡不毛之地大
半民取土漚鹽以供稅若並鹽而禁之稅將安出哉
事乃得止至今人便之遷刑科都給事中世宗末年
崇尚長生術羣臣多進香希寵敏獨否以此復廷杖
然敏守直如故久之擢順天府丞改大理少卿由太
僕正晉順天府尹自陳歸里處林泉間十餘年卒祀
鄉賢

王冠字元甫在城一里人嘉靖丙午舉人連試禮部不
第乃就吏部選任河南鹿邑令邑境稱盜藪有渠魁

榆次縣志

卷八

人物傳上才品

二十五

聚眾爲人害且將謀亂冠設方畧悉擒之縣吏多舞
文者前令勿能治冠剗斥其蠹政者竟就清肅邑城
故土築大雨輒崩冠爲易之以甄邑東南地卑常積
淫潦爲棄壤冠使縣人濬鑿爲渠因得潞水資灌溉
人以為利凡冠在官以治狀被旌薦者三十有六擢
陝西靜甯州未幾卒鹿邑爲之立祠

張國儒字翼真孟家井里人萬歷戊戌進士官行人轉
刑科給事陞都諫掌兵科戒子弟曰貪弁債帥多營
求若受其私禮非吾志也汝輩切勿然外轉遼東參
政凡七上疏辭不赴著有二垣疏草皆森嚴剴切人

不敢言者卒於家郡縣俱祀鄉賢

寇化在城一里人萬厯乙卯舉人丙辰會試副榜官萊州同知以孤城當敵兵數萬城守卒完擢本府知府以憂歸不復仕

齊人奇塘子萬厯乙卯舉人由山東青州府推官陞保定同知以才幹氣節調天津僉事加四品服蒞事精明持躬廉介卒於家姪孫世恩以歲貢任襄垣訓導張九河字宗禹別號傲莖王胡里人少端重如成人長爲縣生員益勵廉隅人稱張夫子邑令知其賢延爲子師以九河貧屢諷關說他事九河毅然不屑萬厯

榆次縣志

卷八 人物傳上 才品

三

戊子舉於鄉非公事不至縣庭邑令史記事嘗曰吾於張孝廉求一揖之不可得也况其他乎知河南汜水縣縣人德之上官捕盜欲株連平民九河力請得免遂相忤降爲順天府照磨補大冶令不能與人委曲乃拂衣歸九河內行純篤教其子甚嚴子養萬厯丙辰進士由中書舍人官御史著禮記纂言初養中鄉舉爲新衣服之九河見而怒責使長跪竟日親戚爲謝過乃已養之入官也負重望魏忠賢用事欲召致門下不應他日忠賢出道其門徑入將見之養輒避去養家居甚得里黨之譽傳稱至今養會孫天保

少有至性家甚貧事親尤篤父病天保借乘羸馬市藥他所值涂水漲發馬不肯渡天保以需藥方急鞭馬直前冒險取藥以還或赴鄉里飲必懷肉食果餌歸以啖母曰吾不能具甘旨藉是以奉老人後舉進士爲鞏縣令縣有冤獄久不得平反天保至立讞其枉蒞政敏幹邑大治尋調蘭陽令擢刑部主事改授吏部遷考功郎記名御史未幾引疾告歸卒於家天保旣貴杜門不預外事儉約如爲諸生時九河養俱祀鄉賢

左應選字六語在城二里人天啓辛酉舉人初入禮闈

榆次縣志

卷八

人物傳上才品

三七

會目疾即策蹇歸有止之者應選曰吾數不得售也其恬退如此後授昌黎令值遼東用兵所向披靡應選獨保孤城悉力守禦親自登陴者四十餘日以不次功擢薊州僉事時宜興當國以枉法事屬應選應選不爲屈宜興銜之嗾巡方中以他事遂被逮適司李湯開遠召對爲奏於上應選僅得免謫戍汾州鼎革後旋榆次家徒四壁或勸之仕應選不屑也年八十四終於家

王臣要村人明崇禎間以歲貢任河南考城縣訓導李自成之亂鄰郡縣俱陷沒兵至考城縣令與士民遜

山中臣獨守孤城被執不屈遂遇害時到任甫兩月
國朝乾隆四十三年里人進士王綬猷探考城縣志以
紀其事

國朝

桑芸字笈雲在城人少貧借書讀之即不忘善爲文爲
明提學僉事袁繼咸所賞崇禎庚辰進士順治初官
行人擢貴州道御史巡按直隸時當大亂後民多逃
徙芸見道上嬰兒遺棄者百餘人惻然曰誰非赤子
而令失所若此出俸金覓人乳養之多賴以活民有
所疾苦即以章聞因有所不便觸勢要者謫爲浙江

榆次縣志

卷八

人物傳上才品

三

幕官起大理寺正轉光祿少卿外補河南參政墾荒
地數千頃以業貧民有白福德者久爲奸猾芸廉得
之將寘於法一夕有求見者以重貲爲福德請芸揮
之出即取福德杖殺焉遷廣西按察司使抵桂林守
兵方虐民芸力爲繩禁有重獄累歲不決芸悉以理
斷結之遷河南右布政使未幾再爲廣東左布政使
赴官道病卒崇祀府縣鄉賢祠

諭祭二次康熙二十八年奉

旨入忠義祠

魏震使趙里人順治己丑進士授府谷縣行取爲刑部

曹郎出知山東濟南府小心清潔每事必親決不以假人弟寔少與震俱有名以拔貢任廣東高州府通判撫養窮黎結狴獬以恩信於鋒刃之下活無辜三千餘人

韓煒魏岳村人以舉人任山陽令二年告歸風素自如任卹鄉里多感其惠公舉鄉飲大賓年七十餘卒初煒爲諸生時邑令劉星雅重之待有加禮及星去煒絕足不至縣門

王介石字豫二南關人性高邁寡嗜好生平未嘗與人爭少喜讀書比壯益究經史旁及釋老之學皆有所

榆次縣志

卷八

人物傳上才品

三

論說太原徵君傅山高世士也見介石而悅之賦詩以贈而定交焉介石任平遙滎河司訓以古文教諸生有郭生者常忤令令以短於學使者會使者至郭甚恐因密懷金夜至介石所欲求爲援介石默不應郭私念已必危心恨介石已而使者無斥郭生意郭始知其陰全已然而介石終不自言後數年司諭廣昌廣昌邊地士習喬野介石寬以誘之使其長子執爨與諸生共相講論士多嚮學久之遷河南桐柏令疾作不之官卒於家

李如蘭字長芳鳴李村人徙居陽曲以貢授澤州訓導

例改主簿奏對稱

旨超擢高郵州知州居九月陞紹興府知府調江甯府知府
江甯人民稠雜豪猾爲奸如蘭命捕之杖殺數人而
將軍所轄兵素囂悍如蘭豫請於將軍一繩以法陞
江南廬鳳道晉四川按察使所至察吏安民悉心籌
畫自懷遠至壽州湖港交通久爲盜藪往往借捕魚
爲業搶劫行旅如蘭廉得其實戮渠魁數人而自某
地至某地若干船皆有編號又復增塘汛立保甲盜
患遂息成都華陽爲四川附省縣舊責以領銀納米
給兵餉百姓苦之如蘭言於巡撫與外州縣均而民

榆次縣志

卷八

人物傳上才品

三

困以甦乾隆八年轉江西按察使南蒞事值歲祲流
民數萬集會城如蘭請截漕十萬賑之全活甚眾及
其去也百姓扶老攜幼哭送於道晉四川布政使卒
子天培辛未進士廣西左江道永祺甲子舉人四川
松茂道孫履謙廣西潯州府知府

採府志

張在字孝侯鳴謙人性木訥不苟言笑由廩貢援例銓
朔平訓導庚午舉於鄉俸滿保薦知縣選直隸甯靜
縣遇災賑濟悉心稽察民沾實惠後調任雄縣甯靜
士民爲建祠立石焉雄有大猾呂三猴久橫鄉里下
車後即置於法遠近悅服邑有堤工民踴躍趨功不

日歲事時鄰邑亦興工上憲檄派雄邑助役在以民力未復不堪重困縷述情形爲民祈請制軍方恪公謂方伯廉使曰閱張令詳稟令人動爲民父母之思後陞景州州爲畿輔門戶郵傳絡繹向係民間按月出馬在捐俸買馬以應役不使累民值夏旱設壇於二十里外徒步往禱適有星使過境見之因入奏溫旨獎諭陞順天北路同知丁艱服闋補河南南河捕同知旋陞山東曹州府知府至會垣方伯孫公曰耳君清名久矣蒞任半載以督工防河得疾遂不起子毓豐膺乾隆辛卯鄉薦任芮城縣訓導

榆次縣志

卷八 人物傳上 才品

三

原敬德字仲明源渦人性至孝七歲遭母喪哀毀如成人父崇漢爲邑廩貢生教之讀甚聰穎年十七補弟子員旋食廩中乾隆壬午鄉舉壬辰大挑以知縣分發四川試令資陽三月而治制軍因民請留展期一年去之日民攀轅臥轍車不得前乘夜去百姓爲立長生位以祀後補南川大計擢薦川省第一陞山東甯海州知州以解甘餉望悞左遷陝西蓋屋令調署綏德州回任後卒於署敬德爲人精勤幹練風格廉峻而卹士愛民如恐不及尤善治盜其任甯海也地濱海多盜發輒亡入海兵役莫能緝敬德悉心邏察

備知其窩頓出入處由是盜息素廉慎當罷官時囊無長物僑居州城州民爭致柴米及其卒也關中兩邑號泣赴弔喪還之日遠近泣送者不絕於道仲子光鶴以鑾儀衛經歷沒於王事蒙 恩蔭襲叔光鶚以歲貢援例試用訓導季光鷺優廩生早卒俱有文名爲時人所推許

郝文光字志山號橫橋大東關人幼隨父宦浙江多材藝捷南宮後筮仕河南初任泌陽遇疑獄旬日即決一邑稱神明後宰虞城修古虞書院捐俸千金爲束脩膏火資調繁杞縣興社學立義倉及養濟院育嬰

榆次縣志

卷八

人物傳上才品

三十一

堂所以嘉惠士民者無不舉大府知其賢能調祥符首邑行省公事悉倚以辦保薦以同知直隸州陞用補浙川廳同知調署光州任虞城時前令虧帑萬金杞縣則前任虧至數萬顧念貧不能支慨然任之代爲補苴榆邑議起書院膏火捐金三百爲眾倡其尚義輕財類如是告歸後囊橐蕭然講學鳳鳴書院時勉多士以立品爲先素工漢隸尺幅片楮人皆珍惜壽至八十三而終

王燕堂字蘭圃在城人國賓曾孫弱冠成進士選入庶常散館授直隸廣平縣令署通州雖少年蒞事而興

利剔弊親士愛民一以實心制軍那文毅公特深器重調繁鉅鹿因公望悞開復後簡發浙江歷署臨海慈谿海鹽題補仁和視在直隸時更爲諳練丁內艱回里時士民走送數十里臨江酌水方之劉寵服闋仍赴浙適海上用兵上憲以紹興爲甯郡門戶特任之坊堵險要供應軍需三載毫無遺悞劉玉坡中丞應詔保薦賢員

召對稱

旨未及回任途次授廣東南澳同知旋陞潮州府署惠潮道

遷廣州府遭父喪起服簡授四川雅州府遷成都署

榆次縣志

卷八

人物傳上才品

三

川南道歷官數十年所至有聲粵東蜀西俱爲首郡太守行省決大疑定大讞無不贊佐其間人皆服其精敏云

閻慶元字春亭使趙村人家貧嗜學自少以廉潔自勵與邑人王蘭圃楊翰華同學又同鄉試榜道光乙未成進士分發甘肅知縣補清澗縣在官有清名而不炫才不邀譽第以恤民爲心陞甯夏知縣甯夏稱繁劇邑慶元以簡馭繁民乃不擾邑有巨猾悍婦之好訟者必嚴責之使不爲害善良境內肅然上憲知其廉能奏陞靜甯州知州送部

引見自京回籍獲疾遂不起人皆憫其有志而業未竟焉
楊毓藻字翰華使趙村人弱冠爲諸生膺道光辛巳

恩科鄉薦甲辰大挑二等銓猗氏教諭非其志也閒嘗留心民社恒以未得操刀爲恨咸豐乙卯以截取授江西雩都縣江右自癸丑後賊匪縱橫雩都復與閩界毗連更多不靖人皆爲藻難之藻毫無畏縮意乃偕族弟毓森胞姪倬與依數人就道行李蕭然猶寒氊也抵省後奉飭赴任便道至贛州府謁太守二姪以不習水土先後病亡因寄棺於贛適有同鄉在贛者欲公藉經營二姪喪事稽留郡城以觀動靜公毅然

榆次縣志

卷八

人物傳上才品

三

曰事不避難臣之分也吾第盡吾分而已他何知焉乃徑抵雩視事甫兩月而賊黨萬人由吉安竄至矣時城中練勇僅數百居民千餘家藻激以大義人皆死守賊用地雷陷城丈餘蜂擁而入藻率民勇奮擊斃者無算賊逸出越十餘日賊益虜至四面攻擊城陷公猶巷戰力竭遇害從難者族弟毓森幕友浙江童鑑洪洞甕桐車夫閻映和家僕段成等以及城中之壯勇老弱無一屈者事

聞奉部議卹襲雲騎尉世職以旌其忠長子健爲郡庠生早卒次子侃以文弱書生一聞公難奮身孤往尋覓

遺骸往返數千里流離顛沛備歷艱辛招父魂並堂
兄倬與依之喪以歸

榆次縣志

卷八 人物傳上 才品

三五

